

McRae

6

151

THESES PHYSICÆ

Quas

ILLUSTRISS. AC REVERENDISS. D. D.

PAULO FRANCISCO JUSTINIANO

EPISCOPO TARVISINO

DUCI MARCHIONI ET COMITI

SS. D. N. P.

Prælate Domestico, & Pontificio Solio Episcopæ
Assistenti &c. &c.

D. O. C.

NICOLAUS LIBERALI

DE VILLORBA

Seminarii Tarvisini Alumnus

Præceptore, & Adjutore

DOMINICO ZANATTA

PHILOSOPHIÆ LECTORE



TARVISII MDCCLXXXII:

SEARS SEARS SEARS SEARS SEARS SEARS SEARS SEARS

TYPIS JULII TRENTO

Superiorum permisso.

THESES PHYSICÆ

Quas

ILLUSTRISS. AC REFERENDISS. D. D.

PAULO FRANCISCO JUSTINIANO

EPISCOPO, TARVISINO

DUCI MARCHIONI ET COMITI

SS. D. N. P.

Prælate Domestico, & Pontificio Solio Episcopi
Assistenti &c. &c.

D. O. C.

NICOLAUS LIBERALI

DE VILLORBA

Seminarii Tarvisini Alumnus

Præceptore, & Adjutore

DOMINICO ZANATTA

PHILOSOPHIÆ LECTORE



TARVISII MDCCLXXXII:

SEARS SEARS SEARS SEARS SEARS SEARS SEARS SEARS

TYPIS JULII TRENTO

Superiorum permisso.

THE UNIVERSITY OF CHICAGO

LIBRARY OF THE UNIVERSITY OF CHICAGO

PHYSICS DEPARTMENT

PHYSICS DEPARTMENT

PHYSICS DEPARTMENT

PHYSICS DEPARTMENT

PHYSICS DEPARTMENT

PHYSICS DEPARTMENT

PHYSICS DEPARTMENT


PHYSICS DEPARTMENT

PHYSICS DEPARTMENT

PHYSICS DEPARTMENT

PHYSICS DEPARTMENT

PHYSICS DEPARTMENT



PHYSICS DEPARTMENT

PHYSICS DEPARTMENT

PHYSICS DEPARTMENT

PHYSICS DEPARTMENT

Illustrissime, ac Reverendissime Praesul

Quoties Praef. Ampl. pulcherrimam hanc rerum omnium compagem; quam Universum appellamus, intentis oculis percurro; eaque omnia, quae vigent in terris; quae natant in undis, quae immenso volitant in aeris ambitu, quae remotissima Cali spatia nunquam fallente motu metiuntur, accurate considero, eam magis atque magis animo sententiam imbibere soleo, ut Naturae vim, atque industriam, quam in suis edendis operibus adolbet, ab hominibus, utcumque mentis aciem intendant, ne percipi quidem, nedum aequari posse existimem. Hinc satis eorum Philosophorum audaciam admirari non possum, qui phantaliam ineptiarum omnium parentem, atque altricem secuti, principia fringere, hypotheses Naturae quasi amulas excogitare minime dubitarunt; perinde ac si vanis eorum commentis Natu-

tam ipsam ad arcana sua mortalium oculis exhibendis
 cogi posse censerent. Ex quo factum, ut sacula bene mul-
 ta Physicam antiquissimam, eandemque jucundissimam
 Philosophia partem infinita propemodum errorum caligi-
 ne conspersam viderint; donec Viri Cl. Galilaus, Ve-
 rulamius, Newtonus, & qui horum vestigia secuti fue-
 re tot seculorum errores miserati, eam Philosophandi
 methodum excitarunt, impenseque coluerunt, quæ Py-
 thagoram auctorem habuisse fertur, quæque prudenter, pu-
 denterque experiundo, atque observando, quin etiam, ubi
 opus, Martesim in consilium adhibendo Natura ipsius vo-
 ces excipere, ejusque penetralia pervadere conatur. Hu-
 jusce methodi præstantiam omnium primus ostendit Ga-
 lilaus, qui, ut veram quisque sibi viam stratam esse
 cerneret, vario perspicillorum artificio ad astra evedus,
 eorum numerum adauxit, magnitudinem, motum, inter-
 valla, locum, aliaque id genus sexcenta, quæ priscis i-
 gnota sæculis delituerant, detexit. Copernicanam quoque
 de Telluris motu sententiam mirifice illustravit: novam
 de motu Scientiam condidit: Doctrinam de corporibus
 fluido innatantibus ab Archimedis usque temporibus e-
 xultantem, magno Hydrostatica incremento revocavit, lon-
 geque provexit: tenuissima quæque corpuscula, puta, a-
 nimalcula arena grano longe minora (interim sese rese-
 rante Natura solertia, quæ nusquam magis, ut ver-
 bis utar Plinii, quam in minimis tota est) cernen-
 da sensui submisit. Quibus rite perspectis mirum quot
 errorum monstra, quæ sub occultarum qualitatum
 caligine in Philosophia arcem irreperant, omni-
 no evanuerint! Neque hic solummodo fructus: quan-
 do-

doquidem ubi nova veluti mundifacies per tanta rerum inventa apparuit, artes humano generi utilissima vel rudes adhuc incunabilis caput extulere, vel nondum apertam nocte lucem ex integro surrexerunt, quodque præcipuum tam latus quam qui latissimus, ad uberiores Dei notionem effingendam patuit campus: cum proxime post Verbum Dei, ut perspecte animadvertitis Verulamius, ipsa mundi imago Divinæ Sapientiæ, & Potentiæ præconium sit. Neque minus ornamenti atque splendoris Phisicis rebus attulit Newtonus grande illud Britannia decus, qui suis & ipse experimentis mathematicisque rationibus obscurissima quæque felicibus ausis pervasit, atque aperta luce conspersit. Opticam nobilissimam sane Phisicæ partem pene ex integro effecit. Præclarissimi enim Viri Joannis Baptista e Porta Neapolitani cogitatis quasi armis quibusdam instructus, non pauca errorum monstra dispulit, veritates a Neapolitano Philosopho detectas suis experimentis confirmavit, atque nobilissime hujusce facultatis fines in immensum protulit. Porro quæ Cartesius Vir cæteroquin amplissimus, dequæ Philosophia optime meritus, male hypotheseum basi inædificaverat, ea ipse prorsus delevit. Tanti præcipue Viri exemplum imitati sunt cæteri omnes, qui passim usquequaque dispersi, utilissimam rerum naturalium Scientiam inventis quam plurimis locupletarunt. Proscriptis itaque principiis & phantasia deductis, positionibus, sive hypotheseibus omnino rejectis inventa est vera Philosophandi ratio, quæ tandem aliquando magnis in dies Phisicæ accedentibus inventis ubique obtinuit. Quæ cum ita sint jure,
me-

meritoque, abjecto planè errandi metu, hujusmodi Philosophandi rationem, quam paucis abhinc annis optime Jane nota Philosophi huc, se jubente, atque protegente, delati adolescentibus colendam proposuerunt, ambabus ut ajunt, ulnis & ipsi amplexi sumus, eandemque secuti cum in ceteris, tum in iis potissimum, quæ Meteora, & Opticam spectant. De quibus tamen ego, qui philosophico pulvere (fateor) quam levissime aspersus incedo, hanc arenam publice disputaturus ingredi jussus, illud a Te humiliter efflagito, ut perfectam animi magnitudinem, notamque Tuam bonitatem, atque clementiam respicias, quibus minime dubito, quin si tanto sub onere vires fortasse defecerint, conatum & voluntatem sis æquè bonique facturus.

1. **Ex** pulcherrima, jucundissimaque cœlestium corporum contemplatione plurima fateor ab Astronomis maxima ingenii laude accuratissime explorata, aut felicissime inventa, & illustrata fuisse, quæ hominum sensus, animumque pulchritudine, ac magnitudine afficiunt, atque terrore implere nonnunquam solent. Venusta tamen non minus jucunda, atque utilia deprehenduntur ea, quæ de nonnullis corporibus Cœlum inter Terramque versantibus de *Meteoris* dico contemplanda nobis naturalis Philosophia proponit. Etsi in eorum contemplatione plurima offerri videantur ita perplexa, ambigua, & obscura, ut acrioris etiam ingenii vires languere propemodum videantur; vivida tamen, quadam acuminis solertia recentiores naturæ investigatores plurima fateor exhibuisse innumeris observationibus, atque experimentis illustrata, ex quibus quantæ jucunditas, utilitasque redundet, eum solummodo ignorare arbitror, qui nec e limine Phisicum *systema* salutavit. Optime a Philosophis definiuntur *Meteora* corpora sublimia Cœlum inter terramque versantia, quæ in Atmosphæra suspensa, *phenomena* qualiacumque excitant.

Cum

„ Ignem, atque ex igni summam consistere posse,
 „ Et qui principium gignendis aera rebus
 „ Constituere; aut humorem quicumque putarunt
 „ Fingere res ipsas per se terramque creare
 „ Omnia; & in rerum naturas vertier omnes
 „ Magnopere a vero, longeque errasse videntur.

V. Quamvis certis rationibus vel invictè confirmari possit elementorum quaternarius numerus; optime tamen eum defendi posse putarunt. Philosophi pene omnes. Non ita vero conveniunt in assignanda ignis natura, atque essentia, cujus præcipuæ proprietates, atque characteres clare agnoscere non posse videntur, nisi cum cæteris elementis conjungantur. Nos in tanta rerum difficultate rejectis opinantium, atque dissidentium ambagibus, quid circa rem tam abstrusam atque tenebris obvolutam certum sit, definiri non posse putamus. Innumeris tamen experimentis, & observationibus innixi, id unum defendi posse arbitramur, quod ignis fluidum definiatur ex particulis constans fluidissimis, mobilissimis, solidis & elasticis. Maxima igitur inesse debet igni, mobilitas ex qua splendor, & calor excitetur, ita ut ubi aliterum unumprehendimus, sibi ignem adesse dicamus. Licet vero mobilissimus sit ignis, corporibus tamen adhæret, quem *Phlogiston* Chemicis vocant.

VI. Ignis præcipuæ proprietates hucusque detectæ binæ sunt; calor nempe, qui corpora omnia pervadit, & lux, qua visus afficitur. Corpora ab igne rarefieri ita clare ostendunt experimenta, ut rudioribus ipsis obvia sit hujusmodi cognitio. Neminem scire igno-

rate arbitror calorem corporis poros subire, ac varie per illius partes penetrare, donec ipsas a se mutuo divellat, atque exsolvat. Metalla quidem, semimetalla, cretam albam, lateres coctos, infinitaque alia in omnem rarefieri dimensionem ab ipso igne evidentissime demonstrant experimenta, quod præsertim exhibet *pyrometrum* a clarissimo Muschembroekio inventum. In corporum firmiterum rarefactione ab igne prolata demonstratum est, nullam inveniri constantem proportionem: corpora liquidem ab æquali ignis quantitate æque cito non rarefiunt. Quærunt Physici utrum ignis corpus sui generis sit, necne? Videtur esse corpus sui generis, ut plurima ostendunt experimenta.

VII. Admirabilis alia ignis proprietas lux est, cujus nomine id omne venit, quod per aliquod medium a corpore lucido diffusum efficit, ut oculorum ope animus videat, dum vel directe a corpore lucente, vel reflexe oculos ingreditur. Innumera observantur corpora lucida, præsertim vero Sol, qui lucis fons, & origo rectissime dicitur. Varia in luce observantur *phenomena*, quæ radiis constant tanta subtilitate præditis, ut omnem imaginandi vim excedant. Palam hoc sit experimentis, & observationibus. Lux a corpore lucenti per rectam exiens radiis divergentibus propagatur quam maxima velocitate donata, ejusque densitas decrescit in ratione reciproca duplicata distantiarum a centro. Non tamen ab omni corpore lucenti eadem velocitate emanare videtur: cum hoc a vis varietate pendeat, qua corporum

THE UNIVERSITY OF CHICAGO

LIBRARY

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS



THE UNIVERSITY OF CHICAGO

LIBRARY

PHYSICS

PHYSICS

Illustrissime, ac Reverendissime Praesul

3

Quoties Praef. Ampl. pulcherrimam hanc rerum omnium compagem; quam Universum appellamus, intentis oculis percurro; eaque omnia, quae vigent in terris; quae natant in undis, quae immenso volitant in aeris ambitu, quae remotissima Caeli spatia nunquam fallente motu metiuntur, accurate considero, eam magis atque magis animo sententiam imbibere soleo, ut Naturae vim, atque industriam, quam in suis edendis operibus adhibet, ab hominibus, utcumque mentis aciem intendunt, ne percipi quidem, nedum equari posse existiment. Hinc satis eorum Philosophorum audaciam admirari non possum, qui phantasiarum ineptiarum omnium parentem, atque altricem secuti, principia fingere, hypotheses Naturae quasi amulas excogitare minime dubitarunt; perinde ac si vanis eorum commentis Natu-

ram ipsam ad arcana sua mortalium oculis exhibenda cogi posse censerent. Ex quo factum, ut sacula bene multa Physicam antiquissimam, eandemque jucundissimam Philosophia partem infinita propemodum errorum caligine conspersam viderint; donec Viri Cl. Galileus, Verulamius, Newtonus, & qui horum vestigia secuti fuerunt tot seculorum errores miserati, eam Philosophandi methodum excitarunt, impenseque coluerunt, quæ Pythagoram auctorem habuisse fertur, quaque prudenter, pudenterque experiundo, atque observando, quin etiam, ubi opus, Matthesin in consilium adhibendo Natura ipsius voces excipere, ejusque penetralia pervadere conatur. Hujuscæ methodi præstantiam omnium primus ostendit Galileus, qui, ut veram quisque sibi viam stratam esse cerneret, vario perspicillorum artificio ad astra evedus, eorum numerum adauxit, magnitudinem, motum, intervalla, locum, aliæque id genus sexcenta, quæ priscis ignota saculis delituerant, detexit. Copernicanam quoque de Telluris motu sententiam mirifice illustravit: novam de motu Scientiam condidit: Doctrinam de corporibus fluido innatantibus ab Archimedis usque temporibus exulantem, magno Hydrostaticæ incremento revocavit, longèque provexit: tenuissima quæque corpuscula, puta, animalcula arena grano longe minora (interim sese referante Natura solertia, quæ nusquam magis, ut verbis utar Plinii, quam in minimis tota est) cernenda sensui submitit. Quibus rite perspectis mirum quot errorum monstra, quæ sub occultarum qualitatum caligine in Philosophia arcem irreperant, omnino evanuerint! Neque hic solummodo fructus: quan-

doquidem ubi nova veluti mundi facies per tanta rerum inventa apparuit, artes humano generi utilissima vel rudes adhuc incunabilis caput extulere, vel nondum apertam nocte lucem ex integro surrexerunt, quodque præcipuum tam latus quam qui latissimus, ad uberiores Dei notionem effingendam patuit campus: cum proxime post Verbum Dei, ut perspecte animadvertitis Verulamius, ipsa mundi imago Divinae Sapientiae, & Potentiae præconium sit. Neque minus ornamenti atque splendoris Phisicis rebus attulit Newtonus grande illud Britanniæ decus, qui suis & ipse experimentis mathematicisque rationibus obscurissima quæque felicibus ausis pervasit, atque aperta luce conspersit. Opticam nobilissimam sane Phisicæ partem pene ex integro effecit. Præclarissimi enim Viri Joannis Baptistæ e Porta Neapolitani cogitatis quasi armis quibusdam instructus, non pauca errorum monstra dispulit, veritates a Neapolitano Philosopho detectas suis experimentis confirmavit, atque nobilissime hujusce facultatis fines in immensum protulit. Porro quæ Cartesius Vir ceteroquin amplissimus, de quo Philosophia optime meritus, male hypothesium basi inædificaverat, ea ipse prorsus delevit. Tanti præcipue Viri exemplum imitati sunt ceteri omnes, qui passim usquequaque dispersi, utilissimam rerum naturalium Scientiam inventis quam plurimis locupletarunt. Proscriptis itaque principiis & phantasia deductis, positionibus, sive hypothesebus omnino rejectis inventa est vera Philosophandi ratio, quæ tandem aliquando magnis in dies Phisicæ accedentibus inventis ubique obtinuit. Quæ cum ita sint jure,
me-

meritoque, abjecto planè errandi metu, hujusmodi Philosophandi rationem, quam paucis abhinc annis optime Jane notæ Philosophi huc, te jubente, atque protegente, delatî adolescentibus colendam proposuerunt, ambabus ut ajunt, ulnis & ipsi amplexi sumus, eandemque secuti cum in cæteris, tum in iis potissimum, quæ Meteoræ, & Opticam spectant. De quibus tamen ego, qui philosophico pulvere (fateor) quam levissime aspersus incedo, hanc arenam publice disputaturus ingredi jussus, illud a Te humiliter efflagito, ut perfectam animi magnitudinem, notamque Tuam bonitatem, atque clementiam respicias, quibus minime dubito, quin si tanto sub onere vires fortasse defecerint, conatum & voluntatem sis æquè bonique facturus.

1. **Ex** pulcherrima, jucundissimaque cœlestium corporum contemplatione plurima fateor ab Astronomis maxima ingenii laude accuratissime explorata, aut felicissime inventa, & illustrata fuisse, quæ hominum sensus, animumque pulchritudine, ac magnitudine afficiunt, atque terrore implere nonnunquam solent. Venuſta tamen non minus jucunda, atque utilia deprehenduntur ea, quæ de nonnullis corporibus Cœlum inter Terramque versantibus de *Meteoris* dico contemplanda nobis naturalis Philosophia proponit. Etsi in eorum contemplatione plurima offerri videantur ita perplexa, ambigua, & obscura, ut acrioris etiam ingenii vires languere propemodum videantur; vivida tamen, quadam acuminis solertia recentiores naturæ investigatores plurima fateor exhibuisse innumeris observationibus, atque experimentis illustrata, ex quibus quanta jucunditas, utilitasque redundet, eum solummodo ignorare arbitror, qui nec e limine Phisicum *systema* salutavit. Optime a Philosophis definiuntur *Meteora* corpora sublimia Cœlum inter terramque versantia, quæ in Atmosphæra suspensa, *phenomena* qualliacumque excitant.

Cum

II. Cum rectæ rationi consentaneum sit, atque ab illustrioribus Philosophis propugnatum, innumerisque experimentis demonstratum ad *Meteora* plurimum contere exalationes omnigenas, & vapores a globo terraqueo erumpentes, consequens est eorum partim e terra, partim ex aqua, partim ab aere, partim denique ab igne, vel ex commixtione horum generari. Plurimæ sane elementorum particule ad *Meteororum* efformationem requiruntur. Quare optimo consilio Physici antequam ad eorum originem, proprietates, & affectiones expendendas sese convertant, nonnulla per summa capita de elementorum natura, & numero dicenda sibi proponunt; ut cognito, ut ita dicam, fonte, ex quo originem suam trahere defendunt *meteora*, faciliiori, clariorique modo ea ipsa agnoscere valeant.

III. Elementi nomine cum comuni Philosophorum sensu intelligimus *corpus aliquod simplex, quo corpora componuntur, & in quod resolvuntur*. Materialia quippe principia in nostro sensu initia quoque & primordia dicuntur, ac proinde placuit ea elementa vocari. De sensibilium elementorum numero non una eadem fuit Physicorum sententia: siquidem quaternarium illorum numerum, nonnulli constantissime tuerentur, ut habemus apud Empiricum;

„ Ignis, aqua, & tellus, & mitior aeris aura, alii plura, alii pauciora, & ab iis diversa constituerunt. Nos eorum opinioniones conciliari posse putamus, asserentes sensibilibus quatuor esse vulgarium elementorum genera, terram nempe, aquam, aerem
&

& ignem. Hoc inferre posse putant Philosophi, ex quatuor primis qualitatibus calore, frigore, humiditate, & siccitate. Id ipsum ex mixtorum corporum resolutione erui posse ostendunt Chemici. Utrum vero simplicia, an prima corpora censeri debeant elementa, utrum ex atomis, an materia prima, vel ex Chemicorum elementis coalescant perinde est, nec questionem ullam instituendam esse volumus.

IV. Ex hisce facillime consequi posse non dubitamus rejiciendam penitus esse eorum opinionem, qui ex unico elemento, hoc est ex igne omnia coalescere propugnant. Dicam sane cum Lucretio Lib. i. v. 100.

Quapropter qui materiam rerum esse putarunt

Ignem, atque ex igni summam consistere rerum

Magnopere a vera lapsi ratione videntur.

Heraclitus inquit, quorum dux praelia primus &c.

atque hanc subijcit rationem.

Nam cur tam variae res possent esse requiro?

Ex uno si sunt igni puroque creatae?

Et revera quo pacto, ut ait Hippocrates, unum cum

sit generabile aliquid, nisi cum aliquo misceatur? Con-

cipi nullo modo potest, quomodo tanta rerum va-

rietas, imo vel unica res varietate quadam admi-

rabili partium praedita ex uno quodam simplici prin-

cipio constet. Ignis profecto nili ei quidpiam aliud

admisceas, nihil unquam dabit praeter ignem. Quod

de igne dictum est, id de quovis alio singulari ele-

mento intelligendum esse non dubitamus, ut idem

concludit Lucretius.

Quapropter qui materiam rerum esse putarunt do-

„ Ignem, atque ex igni summam consistere posse,
 „ Et qui principium gignendis aera rebus
 „ Constituere; aut humorem quicumque putarunt
 „ Fingeret res ipsas per se terramque creare
 „ Omnia; & in rerum naturas vertier omnes
 „ Magnopere a vero, longeque errasse videntur.
 V. Quamvis certis rationibus vel invictè con-
 firmari possit elementorum quaternarius numerus;
 optime tamen eum defendi posse putarunt. VI hi-
 losophi pene omnes. Non ita vero conveniunt in
 assignanda ignis natura, atque essentia, cujus præ-
 cipuæ proprietates, atque characteres clare agno-
 sci non posse videntur, nisi cum cæteris elementis co-
 njungantur. Nos in tanta rerum difficultate rejectis o-
 pinantium, atque dissidentium ambagibus, quid circa
 rem tam abstrusam atque tenebris obvolutam certum
 sit, definiri non posse putamus. Innumeris tamen ex-
 perimentis, & observationibus innixi, id unum de-
 fendi posse arbitramur, quod ignis fluidum definiatur
 ex particulis constantissimis, fluidissimis, mobilissimis
 & elasticis. Maxima igitur inesse debet igni, mobilitas
 ex qua splendor, & calor excitetur, ita ut ubi alteru-
 trum unumprehendimus, sibi ignem adesse dicā-
 mus. Licet vero mobilissimus sit ignis, corporibus ta-
 men adhæret, quem *Phlogiston* Chemici vocant.
 VI. Ignis præcipuæ proprietates hucusque detectæ binæ
 sunt; calor nempe, qui corpora omnia pervadit, &
 lux, qua visus afficitur. Corpora ab igne rarefieri
 ita clare ostendunt experimenta, ut rudioribus ipsis
 obvia sit hujusmodi cognitio. Neminem sane igno-
 ra-

rare arbitror calorem corporis poros subire, ac varie per illius partes penetrare, donec ipsas a se mutuo divellat, atque exsolvat. Metalla quidem, semimetalla, cretam albam, lateres coctos, infinitaque alia in omnem rarefieri dimensionem ab ipso igne evidentissime demonstrant experimenta, quod præsertim exhibet *pyrometrum* a clarissimo Muschembroekio inventum. In corporum firmiterum rarefactione ab igne prolata demonstratum est, nullam inveniri constantem proportionem: corpora liquidem ab æquali ignis quantitate æque cito non rarefiunt. Quærunt Physici utrum ignis corpus sui generis sit, necne? Videtur esse corpus sui generis, ut plurima ostendunt experimenta.

VII. Admirabilis alia ignis proprietas lux est, cujus nomine id omne venit, quod per aliquod medium a corpore lucido diffusum efficit, ut oculorum ope animus videat, dum vel directe a corpore lucente, vel reflexe oculos ingreditur. Innumera observantur corpora lucida, præsertim vero Sol, qui lucis fons, & origo rectissime dicitur. Varia in luce observantur *phenomena*, quæ radiis constant tanta subtilitate præditis, ut omnem imaginandi vim excedant. Palam hoc fit experimentis, & observationibus. Lux a corpore lucenti per rectam exiens radiis divergentibus propagatur quam maxima velocitate donata, ejusque densitas decrescit in ratione reciproca duplicata distantiarum a centro. Non tamen ab omni corpore lucenti eadem velocitate emanare videtur: cum hoc a vis varietate pendeat, qua corporum

partes sese invicem trahunt. Nihilominus ex Clarissimi Bradleji calculis, & observationibus constat lucem e Sole, & Stellis fixis æquali ferri celeritate, quod tamen propugnare non audemus.

VIII. Quapropter inverisimillima videtur eorum Doctrina, qui Solis lumen nihil esse diversum a vibratione materie etheræ subtilissimæ, fluidissimæ, & maxime elasticæ motu propugnant. Inito enim calo ostendat Physici eam non posse a Sole ad nos transmitti septem vel octo minutorum spatio, quemadmodum evincunt observationes.

IX. Movetur lux necne? affirmant alii, alii negant. At concavis speculis, sphæricisque vitris, atque vitreo prismaticæ tam evidenter probatur radiorum, lucentium motus, ut de eo ne dubitari quidem possit? Imo per diversa media transeantes retardantur vel accelerantur. Ex hac doctrina evincitur rejiciendam penitus esse acurissimi Cartesii sententiam, utpote falsam, qui lucem docet semper diffusam per Universum corporibus plenam esse, eamque a corpore lucente premi, pressam percipi ab oculo ad alterum radii extremam posito, non vero ab illo exire, putabat. Posito Cartesiano systemate undenam, quæso, forent tenebræ? undenam umbræ? Lux sane quoque versas propagaretur juxta fluidi leges, quibus & ipsa utpote fluidum, subjici deberet. Hec profecto, atque innumera orirentur absurda ex allati Viri Doctrina, ut perspecte illustriores Philosophi ostendunt, quæ ab humano intellectu sunt omnino arcedenda.

X. Quæ-

X. Querunt Physici quid sit lux? Non tamen conveniunt inter se, dum qualitatem asserunt nonnulli, seu accidens, quod modo corpori lucido conjungatur, modo separetur; alii tenuissimam esse substantiam corpoream, quæ celeriter agitata corpora illuminet, aerem penetret, oculos subeat, nerveasque fibrillas percellens sensum quendam imprimat. Non desuere, qui in rectilinea globulorum secundi elementi pressione lumen constituerint. Nos cum nunquam satis laudato Newtono lucem defendimus in corpore lucenti nihil aliud esse, quam corpusculorum subtilissimorum, & certa ratione configuratorum compagem, quæ pernecitate ineffabili ab ipso deinde translata in visionis organo tamquam centro per radios perpetuo emanantes, atque in omnem partem rapidissime vibratos excepta, movere ipsum valeant, atque visionem creare. Eam corpus esse ex eo vel maxime eruitur, quod ipsi ea competunt, quæ nonnisi corporibus tribui possunt. Illa sane movetur, refrangitur, reflectitur; corroborantur radii, coeunt, & magis atque magis calefiunt. Quapropter cum omnia lucis phenomena allatam emissionem probent, non aliud certe erit lux, nisi effluviū particularum ab ipso lucido corpore reapse erumpentium.

XI. Inter lucis *phenomena* principem tenet locum reflexio, quæ oritur dum ipsa lux medium aliquod pervadere nequit, sed in adversam plagam convertitur, & refraction, quæ definitur inflexio radii, dum lumen ex uno medio in aliud transit. Primam ab impactu

radiorum in solidas corporum partes fieri solummodo negamus, dum aliquando a sola repulsione, aliquando a repulsione, & mediorum vi attractrice immittitur; a viribus attrahentibus alteram fieri asserimus, quæ plerumque sunt in ratione densitatum, maxime in corporibus, quæ oleosa & inflammabilia non sunt. Quapropter quid dicendum de Cartesiana sententia experientis penitus adversa? Nihil sane obscurius, nihil rationi magis adversum excogitari potest, quam lucem ex eo facilius per medium densius, quam per rarius transire, quod per primum minus ea turbetur, cum ejusdem partes minori sint motu donatæ. Nec ex principio quodam mechanico rem pendere per me, ab experientis satis evincitur, cum scilicet vis attrahens mechanica non sit, & peculiaris in quolibet corpore.

XII. Quomodo cumque radius lucis ex medio incidens in alterius medii superficiem inclinetur, ita refringitur, ut sinus anguli incidentiæ ad sinum anguli refractionis sit in constanti ratione, siue radius refractus accedat ad perpendicularum, siue ab ipso recedat. Radios enim quoscunque seorsim sumptos ita refringi demonstratur, ut sinus refractionis sit ad incidentiæ sinum in data ratione, qui sinus sunt in reciproca celeritatum. Et revera experimur unumquemque radium certa atque immutabili aliqua lege refringi, ita ut radii, qui sub eodem incidentiæ angulo in prima refractione maxime refringuntur, iidem sequentibus refractionibus, positis iidem incidentiæ angulis, iterum maximæ refrangibilitati subji-

cian-

ciantur, & sic in iis, qui minus sunt refrangibiles: quapropter, refractionem cujusque radii seorsum spectati fieri ad certam aliquam constantemque regulam non dubitamus. At vero lucis radii, qui in corporis solidam atque politam partem incidunt, redeunt omnes sub æquali ac inciderant, angulo nempe in reflexione semper angulus incidentiæ est angulo reflexionis æqualis.

XIII. Ex dictis tamen consequi posse non arbitrentur, radios quoscumque lucis æque refringi: siquidem diversam esse radiorum refrangibilitatem, nuperrima *telescopiorum*, & prismatis inventio tamclare ostendit, ut nullus supersit dubitationis locus. Hec enim instrumenta clarissime ostendunt, radios non æque refringi, qui omnes eundem habent angulum incidentiæ. Ex hujusmodi experimentis apparet lumen Solis heterogeneis constare radiis, diverse nimirum refrangibilibus, atque hucusque detecta *phenomena* non ex novis radiorum modificationibus sed ex congenitis, & immutabilibus radiorum proprietatibus oriri.

XIV. Hinc extra omnem dubitationis aleam positum esse debet ex lucis refractione *phenomena* colorum pendere: siquidem lux ipsa coloris essentia est, nec in visum cadere potest, nisi sub specie coloris. Hoc evidentissime demonstrat vitreum prisma, quod per radiorum heterogeneorum separationem imaginem pingit septem indutam coloribus, ita ut videatur totidem esse colores, quot radiorum inter se refractione differentium genera. Quod vero sententiam

nostram comprobat, illud est, quod nunquam nova refrangibilitate possunt colores mutari, ita ut lumen homogeneum, quod peculiari suo colore donatum observamus, nullis refractionibus illum ammittat, sed constantissime tueatur. Sic qui semel rubri, vel violacei sunt, etsi plurimis refringantur prismatibus, sensibusque plurimis, violacei, rubri &c. semper apparent. Ex varia autem permixtione septem primigeniorum colorum, variaque temperatione compositi emergunt colores, quorum indefinitus est numerus.

XV. Ex ingeniosissimis recentiorum inventis clare intelligimus a veritate quam maxime abhorrire eorum sententiam, qui colores omnes in corporibus permanentes, putant esse accidentia, ut placuit Peripateticis; vel ex diversa corporum textura ita modificari lucis radios arbitrantur, ut varias in nobis excitent colorum sensationes. Nos igitur cum clarissimo Nevvtono corpora hoc potius quam illo tincta colore apparere contendimus, quod apta ea sint his potius, quam illis radiis reflectendis transmittendisve. Et re quidem vera habemus refractionum Doctrinam, quæ rem evidentissime demonstrat: deinde ostenditur radiorum uniformium cujuscunque generis sint, colorem per reflexionem a corpore physico mutari nunquam posse: unumquodque siquidem ex corporibus colore eorum tinctum apparet radiorum, a quibus illuminatur.

XVI. Igui finitimus est aer, quem Physici vocant fluidum sui generis, quod telluris superficiem tegit, ipsamque omni ex parte cingit, quodque in alia corpora converti nequit, nec ex aliis generari corporibus.

bus. Etsi ab Aristotele definiatur calidus, & humidus, ut tamen ingenue, atque accurate loquamur, haud recte natura sua talem dicimus, dum hæ affectiones pendent potius a vaporibus, & exhalationibus, quæ in ipso aere prædominantur. Potiori igitur jure dici potest aer indifferens ad illas qualitates recipiendas, quatenus corpora hisce donata proprietatibus, quæ indefinenter e terraquea mole avolant, potest ex æquo recipere. Plures aeris species non admittimus; diversas tamen illius particulas facimus, atque fluida aerem imitantia agnoscimus. Præcipuæ illius proprietates a Philosophis considerantur fluiditas, gravitas, compressibilitas, & elasticitas. Cujusnam usus sit aer, quamque utilis humanæ societati, atque necessarius, quisque per se agnoscit. Intervit sane vegetatio- ni plantarum, animalium vitæ, conservationi ignis, aliisque pene infinitis usibus. Hoc palam fit experimentis, & observationibus.

XVII. Ex elementis nil purius, nil simplicius, nil denique clarius aqua videtur, quæ est substantia fluida maxime humida, innodora, insipida, colorisque expers. Quamvis perspectissimæ sint hujusmodi aquæ proprietates, illius tamen essentia nos omnino latet, nec ulla naturalis Philosophiæ investigatoribus suppetunt argumenta, quibus id aliquando clarius assequi possint. Cum igitur conjecturis tantummodo locus super sit, non conveniunt Physici in assignanda aquæ essentia. Cæteris tamen præferendas eorum sententias esse putamus, qui aquæ statum naturalem eum esse, ut sit fluida & frigida (quod ipso sensuum experimento manifestissime

C

offen-

ostenditur) propugnant, atque quidquid ad ipsius naturam attinet, incompertum prorsus esse contendunt. Fatendum enim potius est ingenuè id nos non agnoscere, quod reverà incompertum est, quam *hypothèses* fingere, quas quo liberius ad explicanda naturæ *phenomena* in medium afferimus, eo gravius ingenii nostri aciem implicamus, & vix non obruimus. Aqua corpora dissolvere valet, sales præcipue, eosque nonnisi in data quantitate, quæ proprietas attractioni tribuitur: tum ipsa calorem concipit ad certum usque gradum, quem si intendas in vapores resolvitur.

XVIII. Quod cæteris elementis in corporibus componendis plurimum præstat, est terra, cujus nomine intelligimus corpus fossile, aridum, insipidum, nullaque prorsus activitate donatum. Perperam terræ elementum inquireretur in nostra telluris superficie, quæ mortalium oculis subicitur: ista siquidem præter ignis, aquæ, aeris particulas innumeris alterius generis substantiis, puta, nitro, sulphure est permixta. Concludimus igitur simplex, ac purum terræ elementum vel nusquam reperiri, vel profecto intra viscera globi terraquei delitescere. *Hypothesibus*, & conjecturis tantummodo innixos esse agnoscimus tum Cartesianos, qui ex tertio elemento, tum Gaslendum & Epicurum, qui ex ansulis, & hamatis atomis illud coalescere pro certo defendunt.

XIX. Ex elementis hiscè, puta, aqua, & terra congeriem plurium particularum evehi atque aeri permisceri adeo manifestum est, ut rudioribus ipsis
obvi-

obvium esse non ignoramus. Particulas hujusmodi contra gravitatis leges operari observamus, donec aliqua causa condensatæ majorem gravitatem specificam acquirant, earumdem volumen ardeatur, & descendant. Harum elevationem vi tum caloris Solaris, tum illius, quem in terræ visceribus copiosum esse experimur, cum communi Philosophorum consortio tribuimus. Calor siquidem terram calefacit, perturbatoque quodam motu ejusdem terræ, vel aquæ particulas terrestres non modo, verum etiam nitrosas salinas, & sulphureas commovet, ita ut subtiliores a crassioribus, leviores a gravioribus secernantur. Et si hujusmodi particule subtilissimæ caloris allati vi evadant, propriam tamen retinent naturam, ejusque corporis, a quo tanquam fonte exeunt, vim, & proprietates servant, ita ut ex sulphure sulphureæ, nitrosæ ex nitro erumpant, servanturque. Ex quo facillime intelligi potest, cur ex exhalationibus nonnullæ combustioni resistant, aliæ eidem sint obnoxie, ut nitrosæ, acres aliæ, ut salinæ. Id æquali jure de vaporibus dici potest tum ex mari, tum ex fluminibus erumpentibus.

XX. Materies, atque exhalationes ex nitrosis, sulphureis, atque combustilibus corporibus erumpentes, atque in mediam aeris regionem erectæ accenduntur, atque plurima *Meteororum* genera formant, ut Fulgur, tonitru, fulmen. Cumque ignis electricus præcipue in causa sit, ut assurgant, vel causas alterius generis excitet, ut illa promoveat, ex eo præcipue celestia *Meteora* repetenda esse recentiores naturæ in-

vestigatores, cum quibus & nos sentimus, propugnant. Et revera ignita *Meteora* ope allati ignis facile, & apte explicantur. Necnon ipse Auroras Boreales, earumque altitudinem, stellas cadentes exhibet; per ipsius vim Castoris, & Pollucis, igniumque lambentium *phenomena* recte explicantur. Hinc nunquam satis laudandum metallicarum virgarum inventum ad fulmina arcenda, ad mortalium ædes tutandas, adque vitam in tuto ponendam, quod inventum utinam ubique obtineat.

XXI. Inter ignita *Meteora* fulmen illud est, cujus originis difficilior est investigatio. Fulmen definiunt Physici ignem in densa materia sulphurea, atque nitrosa repente accensum; maximo cum impetu excitatum; summaque celeritate per aerem excurrentem, quem ingens fragor subsequitur. Circa fulminum naturam non una eademque est Philosophorum sententia, imo quoties dissidentes eorum Doctrinas consideramus, non possumus humanæ mentis tenuitatem non confiteri. Nos rejectis Cartesii, atque Atomistarum sententiis, quæ non omni ex parte sunt comprobandæ cum nunquam satis laudato Nevvtono fulminum materiam ex sulphureis, nitrosis, bituminosis, aliisque terrestribus exhalationibus generari, pluribus vero causis, præsertim electricismi vi accendi defendimus.

XXII. Sicuti fulminis origo clare non adhuc cognoscitur; sic dicendum de fulgure, Stellis cadentibus, Draconibus, cæterisque ignitis *Meteoris*, quæ undenam ortum suum ducant nondum pro certo com-

per-

pettum est. Id solummodo affirmari posse arbitramur, hæc omnia a diverſa partium ignearum diſpoſitione, atque fortuita flammæ figura pendere.

XXIII. Quærunť Philoſophi an fulminis origo e terra, an e media aeris regione repeti debeat. Videtur nullum definiri poſſe locum, ex quo fulmina erumpant, nullam conſtantem directionem, juxta quam ferantur, ſed ea quocumque loco modo hic, modo illic accendi: ac proinde modo e terra ſurſum aſſurgere, nunc e nubibus deorſum ferri poſſe. Fulmina non longe a terræ ſuperficie cudi, atque ex ea in altum aſcendere, ex plurimis obſervationibus a clariffimis viris prolatis adeo conſtat, ut nemo in dubium audeat revocare. Non adhuc tamen demonſtratum eſſe, fulmina revera etiam ex nubibus deorſum ferri, nonnulli contendunt. Nos tamen propugnamus ex rationibus a doctiffimis viris relatis ſatis conſtare fulmina ex nubibus etiam deorſum ferri, quod oculis ipsis patet, atque experimentis evidentiffime evincitur.

XXIV. Quemadmodum e ſuperius allatis exhalationibus ad mediam aeris regionem elevatis, ignita *Meteora* repetunt Phyſici; ita ex vaporibus, qui in eadem aeris regione concreſcunt nubes, pluviam, rorem, pruina, turbinem, nivem, grandinem efformari veriſſimile eſt. Plurima vaporum corpuscula terreſtribus exhalationibus, vi frigoris concreſcere extra omnem dubitationis aleam poſitum eſt; unde nubes quibuſdam veluti contextæ filamentis videri ſolent. Ad huiusmodi *Meteorum* efformationem plurimum confert. & ignis electricus

ex

ex quo ad equilibrium sese diffundente, vaporesque sursum attollente diversa vi, & copia agente aptissime deducuntur. Quod nubes sint etiam opacæ, nihil interest. Nam etsi tenuissimis consistant particulis, invicem tamen unitæ debent lucem reflectere, atque opacæ evadere.

XXV. Quid sit ventus facillime definire posse putabant nonnulli ex Physicis asserentes illum esse æris agitationem.

„Ventus enim fit ubi est agitando percitus aer. Maxime tamen discrepant inter se celebriores sententiæ in explicanda venti causa, seu origine. Adum alii a siccis exhalationibus ex terrarumumpentibus, a Sole alii, & a Luna, nonnulli a vaporum attenuatione, seu resolutione eum pendere arbitrantur. Nos aerea *Meteora* ab igni electrico repetenda esse censemus. Venti enim sunt ab exhalationum motu, atque nubium pressione, non horum motus a vento. Cum vero non omnia ventorum *phenomena* explicari possint, si ab unica pendere causa censeantur, non omnes ab allato igni repetimus, sed plures ad eorum efformationem requiri causas defendimus.

XXVI. Emphatica tandem *Meteora* ab igne electrico pendere putant recentiores Philosophi. Ignis enim, ajunt, electricus certa ratione, certoque ordine, & intervallo distribuit vapores, eosque aptos reddit, ut lucis radios hoc, illo modo refringant, reflectantque. Hinc Halo, Corona, Parhelium, Paraselene, Virgæ, & Iris. Quid de præcipuo inter hæc *Meteora*, de Iride ejusque coloribus dicam, de quibus

bus infinitæ a Philosophis rudes, & imperfectæ sententia pronuntiata fuere. At experimentorum ope in Optica facillime ostenduntur, atque explicantur *phenomena* colorum Iridis. Et sane Iris in nube efformatur Soli opposita, & ex rotundis aquæ particulis deorsum labentibus depingitur, in quibus lux bis refringitur, & semel reflectitur, quoad Iridem primariam; bis vero refringitur, bisque reflectitur quoad secundariam; & plures reflectitur, si plures arcus appareant; ex relatione vero ad multiplicem reflexionem vivaciores videntur Irides, vel languidiores.

F I N I S.

